

摘藻堂四庫全書薈要

集部

欽定四庫全書薈要

集部

御定歷代題畫詩類卷七十五

六

欽定四庫全書薈要

御定歷代題畫詩類卷七十五目錄

蘭竹類

題楊次公春蘭

宋蘇軾

墨蘭

宋陳與義

墨蘭

宋鄭思肖

李夫人畫蘭歌

元王惲

題墨蘭圖

元吳澄



題墨蘭圖

元素楠

次韻張秋泉墨蘭

元素楠

墨蘭

元素楠二首

題趙子固墨蘭

元鄧文原

墨蘭

元楊載

觀錢塘上人墨蘭

元范梈

題明公畫蘭

元黃潛

畫蘭

元吳鎮

題趙吳興墨蘭 元陳旅

題畫蘭 元陳旅二首

題蘭 元張翥

畫蘭 元貢師泰二首

題趙子固墨蘭 元韓性

明上人畫蘭圖 元王冕

子昂蘭 元鄭元祐

趙魏公蘭 元倪瓚

題方厓墨蘭 元倪瓚

畫蘭 元貢性之

題墨蘭 元張雨二首

吳興墨蘭 元張雨

題趙子昂蘭 元張天英

題趙翰林畫蘭 元張天英

題明雪牕蘭 元張渥

題趙翰林墨蘭 元張渥

題趙子昂墨蘭 元屠性

畫蘭 元丁鶴年

鄭山輝畫蘭 元唐肅

題蘭花圖 明劉基

題雪牕墨蘭 明張以寧

墨蘭 明張以寧

題王翰林所藏畫蘭 明高啓

趙仲穆墨蘭 明楊基二首

仲穆著色蘭

明張羽二首

墨蘭

明管訥

題蘭

明鄭真

題蘭

明林環

宋徽廟畫蘭

明張燦

畫蘭

明陳憲章三首

題蘭

明岳正

題蘭

明李東陽

題蘭與饒裕明羅倫

題衍聖公畫蘭明程敏政

題趙子固畫蘭明吳寬

子昂蘭明史鑑

題馬麟畫蘭明陸深

四蘭圖明楊慎

畫蘭明謝承舉

為鍾清叔題薛五蘭卷明吳夢暘

題徐明德墨蘭

明薛綱

題畫蘭

明張濬

題畫蘭

明朱石

題鄭所南畫蘭

明朱凱

為謝道士題蘭卷

明王世貞

題畫蘭花

明王世貞

畫了蘭

明陸治

王楚玉畫蘭

明陳繼儒

畫蘭 明李日華二首

風蘭 明李日華

雨蘭 明李日華

題小姬畫蘭 明王微二首

寫蘭 明景翩翩二首

題蘭 明僧宗泐

題趙松雪墨蘭 明僧宗衍

題懸崖蘭圖 明僧宗衍

題畫蘭 明僧用章

題商學士畫蘭 明僧大圭

題楊次公蕙 宋蘇軾

墨蕙 宋陳與義

題趙師舜光風轉蕙汎崇蘭圖 元虞集

墨蘭蕙 元袁桷四首

題蘭蕙同芳圖 元李祁

題子固蕙蘭卷 元唐升

題子固蕙蘭卷 元趙友同

題子固蕙蘭卷 元李皓

題蘭蕙便面 元張天英

題光風轉蕙圖 元張天英

題蕙蘭圖 元釋良琦

題雪牕蘭蕙同芳圖 明張以寧

題北山蘭蕙同芳圖 明張以寧

蘭蕙圖 明商輅

趙子固蘭蕙卷

明錢達

題汪華王子昂蘭石

元虞集四首

題趙松雪竹石幽蘭

元仇遠

題無詰蘭石

元李祁

題子昂蘭石

元于立

題蘭棘同芳圖

元李祁

次引浚儀公題蘭竹卷子韻

元楊載

子昂蘭竹墨戲

元袁桷二首

題趙公畫蘭竹 元黃潛

題畫蘭竹 元陳旅

為吳德良題承旨所贈蘭竹圖 元陳旅

題無詰沅湘蘭竹圖 元劉躍

題趙子昂為吳德良所作蘭竹圖 元吳師道

子昂蘭竹圖 元吳師道

蘭竹 元貢性之

題柯敬仲博士明雪牕長老蘭竹 元錢惟善二首

題江虛白懸巖蘭竹

明劉崧

蘭竹畫

明劉溥

題蘭竹圖

明楊守陞

趙松雪蘭竹圖

明吳寬

蘭竹圖

明程敏政

題馬姬畫蘭竹

明張鳳翼

蘭竹

明李日華

畫蘭竹題贈蘇時欽

明薛素素

題蘭水仙墨竹 元袁士元

題畫蘭卷兼梅花 元王冕

欽定四庫全書薈要卷一萬九千一百八十三

集部

御定歷代題畫詩類卷七十五

蘭竹類

題楊次公春蘭

宋蘇軾

春蘭如美人不採羞自獻時聞風露香蓬艾深不見丹
青寫真色欲補離騷傳對之如靈均冠佩不敢燕

墨蘭

宋陳與義

鄂州遷客一花說仇池老仙五字銘併入晴窗三昧手

不須辛苦讀騷經

墨蘭

宋 鄭思肖

鍾得至清氣精神欲照人抱香懷古意戀國憶前身空
色微開曉晴光淡弄春淒涼如怨望今日有遺民

李夫人畫蘭歌

元 王 惲

清閨堂深不知暑瑤草佳期夢玄圃孫郎笑折紫蘭來
素影盈盈映修渚李夫人澹丰容天然與蘭相始終剡
藤一筆作九畹落墨不減江南工芳姿元與凡卉異眩

暝況是湘纍叢離騷不復作遺恨千古沈幽宮君看此
花有深意似寫靈均幽思悲回風君家大雅堂文彩東
野翁併入慘澹經營中秋風拂簾秋日長芳霏霏兮汎
崇光淡妝相對有餘韻畫蘭桂子空秋香淡軒託物明
孤潔五十年来抱霜節固知色相皆空寂妙得於心聊
自適仿佛湘娥倚暮花黃陵廟前江水碧生平佩服真
賞音升聞紫庭非素心喚起謫仙搖醉筆為翻新曲寫

瑶琴

題墨蘭圖

元吳澄

赤節紅芳楚澤春
心期千載一靈均
不知何代為茅塞
誰認高枝細細紉

題墨蘭圖

元袁桷

秉芳空林中介石
交不黷飛英散玄
佩受露如膏沐羣
妖春炫晝墨守益
慎獨豈不念歲晏
自獻傷我足矯矯
金石交挽之不盈
掬疏清湛虛心振
直耿潔腹昊天有
正令俛仰萬物肅
臨風獨躊躇白駒
儼空谷

次韻張秋泉墨蘭

元
袁
楠

虛牕秋思集晨興憺無餘墨池漾清泉天葩散紛敷愛
此巖中君贈以碧玉腴微雲解蒼佩縹緲疑空無遠謝
丹白昏詎畏霜霰濡守黑志有在談玄道非殊愧彼夷
與齊潔腹不受汙湘纍慨永古世人陋其迂臨風嗅餘
清是豈真緇徒乃知萬化寂妙巧窺分銖幽蜂綴疎蘂
點點游晴虛閉門謹視之黃塵政紛如

墨蘭
二首

元
袁
楠

飛瓊散天葩因依空巖側守墨聊自韜不與衆草碧
仙人紫玉枝化為蒼水佩獨立揺落中秋風得相貸

題趙子固墨蘭

元 鄧文原

承平灑翰向丘園芳佩纍纍寄墨痕已有懷沙哀郢意
至今春草憶王孫

墨蘭

元 楊 載

謂香辭迫求曰色却媚愛執德非固然何用結為佩

觀錢塘上人墨蘭

元 范 梈

蘭以比君子所貴者幽深黯然空谷中遠為人所欽志
士秉美德如玉復如金篤實而輝光芳華出喬林偶然
為時出節義凜森森下愜庶望上當君王心功成無
所累宿好在雲岑

題明公畫蘭

元黃潛

吳僧戲筆點生綃
娟娟幽花欲動搖
夢斷楚江煙雨外
秋風灤水莫瀟瀟

畫蘭

元吳鎮

趙趙風下東吳舟坏土移入漳泉秋初疑紫莛攢翠鳳
恍如綠綬縈青蚪猗猗九畹易消歇奕奕百畝多淹留
軒牕相逢與一笑交結三友成風流

題趙吳興墨蘭

元陳旅

江南三月多芳草綠葉連娟映紫莛憶昔艤舟苔雪上
一汀香雨入琴清

題畫蘭

二首

元陳旅

楚畹春露濃幽芳發瓊莛寧同薺麥秀不與蕭艾生

九畹光風轉重巖
墜露香紫宮祠太一瑤席薦瓊芳

題蘭

元張翥

鷓鴣聲中花片飛
楚蘭遺思獨依依
春風先自悲芳草
惆悵王孫又不歸

畫蘭

元貢師泰

西望沅湘不盡流
紅芽綠葉自生愁
王孫去後無消息
風雨山中日日秋

畫蘭

元貢師泰

光風吹碧草零露被芳畹美人秉幽貞獨立歲云晚杳
杳楚山深悠悠湘水遠何當結瓊佩寄此情繾綣

題趙子固墨蘭

元韓性

鏤瓊為佩翠為裳冷落遊蜂試采香煙雨館寒春寂寂
不知清夢到沅湘

明上人畫蘭圖

元王冕

吳興二趙俱已矣雪牕因以專其美不須百畝樹芳菲
霜毫掃連光風起大花哆脣如笑人小花斂媚如羞春

翠影飄飄舞輕浪正色不染湘江塵湘江雨冷暮煙寂
欲問三閭杳無迹慨慷不忍讀離騷目極飛雲楚天碧

子昂蘭

元鄭元祐

孤臣萬古愁湘渚水東流江芷汀離滿空令泣楚囚

趙魏公蘭

元倪瓚

天上宣和落墨花彛齋松雪擅名家遙看苔雪山如玉
雪後春風自茁芽

題方厓墨蘭

元倪瓚

蕭散重居寺春風蕙草生幽林蒼蘚地綠葉紫瑤莖早
悟聞思入終由幻化成虛空描不盡明月照敷榮

畫蘭

元
貢性之

吳剛斫斷雲根石不數珊瑚高百尺美人林下獨含愁
霹靂一聲山鬼泣

題墨蘭

贈別于一
山之京師

元
張雨

三月愁送客春寒雨如霰冥冥返塞鴻悄悄棲梁燕揚
帆五十日蓬萊望中見欲持猗蘭操一奏南薰殿

題墨蘭

元張雨

滋蘭九畹空多種何似墨池三兩花近日國香零落盡
王孫芳草遍天涯

吳興墨蘭

元張雨

墨君石友是同參幾葉光風染碧嵐悵望王孫杳何許
年年芳草滿江南

題趙子昂蘭

元張天英

鷗波亭下楚香銷公子騎箕上次寥緘是死灰芬酷烈

巫陽誰下九重招

題趙翰林畫蘭

元張天英

吳雲楚樹碧離離
手折瑤花半醉時
秋佩影搖湘浦月
鳳皇翅冷玉參差

題明雪牕蘭

元張渥

援琴誰歎生空谷
結佩應憐感逐臣
九畹斷魂招不得
墨花夜泣楚江春

題趙翰林墨蘭

元張渥

白鷗波點硯池清楚晚香風筆底生記得弁峰春雨後
撥雲移種向南榮

題趙子昂墨蘭

元屠性

王孫宴罷碧瀾堂翠羽瓊毼結佩裳欲寄靈均無處所
至今遺恨滿瀟湘

畫蘭

元丁鶴年

湘皋風日美芳草不勝春欲採紉為佩慙非楚薰臣

鄭山輝畫蘭

元唐肅

親見先生下筆時緣坡委谷共分披前身合是江潭客
萬葉千花盡楚辭

題蘭花圖

明劉基

幽蘭花在空山美人愛之不可見裂素寫之明牕間幽
蘭花何菲菲世方被佩薺葦施我欲紉之充佩韋眾眾
獨立衆所非幽蘭花為誰好露冷風清香自老

題雪牕墨蘭

為湖廣都事
李則文作

明張以寧

君家詩好錦袍仙蘭雪清風故灑然金地禪僧留妙墨

木天學士寫新篇香來筆底吳雲動思入琴邊楚月懸
聖代即今深雨露流芳千載待君傳

墨蘭

為湛然上人題

明張以寧

雲林蒼蒼石齒齒一花兩花幽薄底遠香自到定中來
道人湛然心不起

題王翰林所藏畫蘭

明高啓

春到懷王舊渚宮沙棠舟去水煙空孤叢不有幽香發
應沒江邊百草中

趙仲穆墨蘭

二首

明楊基

當年曾進福州蘭
小殿秋風翠珮寒
零落楚香收不得
且從魏國畫中看

繁露幽香泣翠娥
冷雲纖月淡秋河
沅湘一帶皆春色
誰道懷王廟裏多

仲穆着色蘭

二首

明張羽

芳草碧萋萋
思君澧水西
盈盈葉上露
似欲向人啼
鸞輿去不返
風雨湘江曲
芳草獨無情
還如裙帶綠

墨蘭

明管訥

青草三閭亭下蒼梧二女祠前欲采幽芳寄遠月明秋水涓涓

題蘭

明鄭真

國香散落翠巉巖眩眩芳叢玉露涵楚佩可憐零落盡春風春夢過湘南

題蘭

明林環

空林闕無人愛此幽草芳光風泛叢綠猗猗煙葉長執

衽擷其英靈氣襲襟裳緬懷紉佩者千載那能忘白石
生深林託根有叢芳幽豔間深翠清風任披揚蕭艾誰
與羣不能化其臧却笑桃李花冶麗爭春陽

宋徽廟畫蘭

明張燦

御墨淋漓寫楚蘭披圖却憶政宣間分明一種湘纍怨
萬里青城似武關

畫蘭

明陳憲章

誰將水墨寫橫披竹石荊蘭也自宜記得湘潭秋雨後

清香猶帶楚臣悲

題畫蘭

明 陳憲章

陰崖百草枯蘭蕙多生意君子居險夷乃與恒人異

題畫蘭

明 陳憲章

楚人有雜佩可以袪不祥願言踐臺省奉為王者香

題蘭

明 岳正

曾倚東風嗅國香星軺此日度沅湘於今客裏看圖畫
搔首無言祇自傷

題蘭

為司寇
何公作

明
李東陽

楚澤有幽蘭名高百花選孤根託地靈芳心應時展陽
和一披拂春色無深淺清風徧六合孰為知者鮮援琴
思昔人古意嗟已緬層崖數枝竹意若相慰勉穠華湏
却避荊棘行當剪幸此挹餘芬披圖漫舒卷

題蘭與饒裕

明
羅倫

翠袖舞春輝光風感自微夜深渾不寐玉露點羅衣

題衍聖公畫蘭

明
程敏政

國香那藉彩毫工千載猗蘭曲未終金石交情期歲晚
棘叢未實漫春風

題趙子固畫蘭

明
吳寬

王孫弄筆成墨藪九畹依然連百畝開圖墨瀋將誤拾
撲袖香風不勞嗅破縑零落三百年非藉好事安能傳
寸根無土強生活鄭老後來真可憐

子昂蘭

明
史鑑

國香零落佩纒空芳草青青合故宮誰道有人和淚寫

託根無地怨東風

題馬麟畫蘭

明陸深

秋風九畹正離離
畫裏相看一兩枝
欲寄所思無奈遠
閑拈湘管對題詩

四蘭圖

明楊慎

蘭為君子佩
植根不當門
幽谷發遠馥
九畹詠王孫
蘭為美人採
蘋藻掩芳潔
沐浴助精裡
宜為薌澤設
蘭為仙姬名
升雲女
几山玄景入
天上
名字畱人間

蘭為王者香鬱鬱薦清廟猗猗有遺音併入瑤琴調

畫蘭

明謝承舉

徐熙圖罷霧生牕墨藻詞葩世少雙招得楚魂飛不去
夜深殘影落寒江

為鍾清叔題薛五蘭卷

明吳夢暘

薛五嫁人苦不早皆知娼家擅技巧寫生乃是第一技
所見無如此卷好蕙質蘭心有深寄葉葉莖莖吐幽思
其餘點綴亦復佳剡藤數丈披清氣畫兼題詠頻致余

余亦每呼薛校書居然獨立脂粉外薌澤全拋絃索疎
通國名娃出其下仍嗟舉世無知者眼中鍾叔比鍾期
此卷祇應遺叔也叔也有情情復起我題情語情如水
枉教夢到湘江頭湘江水絕蘭枯死

題徐明德墨蘭

明薛綱

我愛幽蘭異衆芳不將顏色媚春陽西風寒露深林下
任是無人也自香

題畫蘭

明張濬

翠袖衝寒暮倚樓
高山流水思悠悠
玉人何處空遺珮
月落滄江一笛秋

題畫蘭

明朱石

九畹香清露氣寒
三湘月落淚痕乾
楚天空濶秋無際
誰復行吟澤畔看

題鄭所南畫蘭

明朱凱

渚宮春冷北風寒
九畹蕭條入塞垣
老死靈均在南國
百年誰為賦招魂

為謝道士題蘭卷

明王世貞

離離九畹暗香來
讀罷玄經手自栽
莫倚謝家庭內物
不知新種在蓬萊

題畫蘭花

明王世貞

處為幽谷香出為王者
瑞不同百草萎
秋風紉成佩

畫了蘭

明陸治

玉戟稜稜應節分
枝枝柔玉紉
香雲凝妝擬待三更月
露染生綃六幅裙

王楚玉畫蘭

明 陳繼儒

年來空谷半霜風，留得遺香散草叢。
只恐樵人溷蘭艾，紅顏收在束薪中。

畫蘭 二首

明 李日華

燕泥欲墮濕凝香，楚畹經過鬪蝶忙。
如向東家入幽夢，儘教芳意著新妝。

懊恨幽蘭強主張，花開不與我商量。
鼻端觸著成消受，著意尋香又不香。

風蘭

明李日華

托身得所倚當此雄風快吐語正傾懷無心約裙帶

雨蘭

明李日華

側身非取妍延頸欲送語不辭展香約春塘夜來雨

題小姬畫蘭

二首

明王氏名微

借郎畫眉筆為郎畫紈扇紈扇置郎懷開時郎自見
幽牕墨麝濃騷經親自注為恨子蘭名抹入棘叢去

寫蘭

二首

明景氏名翮

翮

道是深林種還憐出谷香不因風力緊何以度瀟湘
但吹花信風莫作妬花雨我欲采璫枝挽得同心住

題蘭

明僧宗泐

溪寺曾栽數十叢紫莖綠葉領春風年來蕭艾過三尺
白首看圖似夢中

題趙松雪墨蘭

明僧宗衍

湘江春日靜輝輝蘭雪初消翡翠飛拂石似鳴蒼玉珮
御風還著六銖衣夜寒燕姑空多夢歲晚王孫尚不歸

千載畫圖勞點綴所思何處寄芳菲

題懸崖蘭圖

明僧宗衍

居高貴能下值險在自持此日或可轉此根終不移

題畫蘭

明僧用章

綠葉微風際清香小雨餘湘江春水濶愁殺楚三閭

題商學士畫蘭

明僧大圭

商公握筆倚清酣愛寫風光蕊半含無限王孫芳草恨
盡隨煙雨入江南

題楊次公蕙

宋蘇軾

蕙本蘭之族依然臭味同曾為水仙佩相識楚辭中幻
色雖非實真香亦竟空云何起微馥鼻觀已先通

墨蕙

宋陳與義

人間風露不到畹只有酪奴無世塵何須更待秋風至
蕭艾從來不共春

題趙師舜光風轉蕙汎崇蘭圖

元虞集

衆芳非不多金石好兄弟離佩以問之春風接襟袂

墨蘭蕙 四首

元 素 桷

金明秋林清月白
楚天碧美人眇愁予服媚永今夕
采芝不成仙食薇難療飢結茲以為佩
臨風酌湘纍
天香落銀楮秋聲入玄筆何如湘夫人促軫鼓靈瑟
組綬何承承琲珠復纍纍相視不以色紛披映簾帷

題蘭蕙同芳圖

元 李 祁

蘭生花葉短蕙老花葉長短長各自媚異體同芬芳
但依竹石根不羨桃李場君子有令德千載流輝光

題趙子固蕙蘭卷

元唐升

光風卷裏動清芬
遺質如飄白練裙
七澤霜寒悲楚客
九疑雲盡望湘君
猗猗溪上香猶在
渺渺江邊佩見分
一自騎鯨去滄海
人間消息絕無聞

題趙子固蕙蘭卷

元趙友同

脩葉亂紛敷
幽花藹鮮澤
雖非百畝繁
孤馨自朝夕
撫卷動遐思
悠然長太息

題趙子固蕙蘭

元李皓

王孫心機精下筆多雅製坐令湘楚華墨香滿天地

題蘭蕙便面

元 張天英

障面無嫌京洛塵一叢蘭蕙出冰輪只疑大地山河影
不照湘沅有逐臣

題光風轉蕙圖

元 張天英

蕙乃蘭之族一枝三四花誰將金莖露煉作紫河車白
鶴銜之去飛獻玉宸家飄蕭紫雲帶光風茁其芽吾將
攬為幄山中卧煙霞

題蕙蘭圖

元釋良琦

蕙蘭生深林結根同芬芳
綠葉緣風轉羣葩耀春陽
飄飄青霞袂粲粲雕玉璫
貞哉不自獻宜為王者香
念彼君子德比之惟允常
持以遺所思交好勿相忘

題雪牕蘭蕙同芳圖

明張以寧

春來騷意滿江干
轉蕙光風更泛蘭
睡起老禪閑一笑
月明香雪竹牕寒

題北山蘭蕙同芳圖

明張以寧

秋露春風各自妍幽香併到雨華前道人不是騷愁客
慣讀南華第二篇

蘭蕙圖

明商輅

蘭以比君子蕙比大丈夫人物雖云異氣味乃不殊託
根深林下羞與桃李俱妖豔任紛紛貞姿恒自如共言
王者香宜為禁苑居一朝移植後雨露恣霑濡芬芳異
凡卉馥郁盈天衢採擷足紉佩把玩堪怡娛發舒似遲
晚蠲潔無終初誰將幽靜意寫此蘭蕙圖對之遂清賞

塵慮焉能紆呼童出門巷止回俗士車光風九畹來芳
菲襲人美惟有同心言清芬宛相似

趙子固蘭蕙卷

明錢達

王孫書畫出天姿痛憶承平鬢欲絲長惜墨花寄幽興
至今葉葉向南吹

題汪華玉子昂蘭石

四首

元虞集

海內出珊瑚枝撐碧月孤鮫人拾翠羽泣露得明珠
參差不可吹綬佩寄遠道遂令如石心歲晚永相好

抱玉下天河繞叢秋露多天寒翠袖薄日暮欲如何
翠袂倚客甍來尋碧玉簫拂衣成歷劫遺跡映寒潮

題趙松雪竹石幽蘭

元仇遠

舊時長見揮毫處脩竹幽蘭取次分欲把一竿苔水上
鷗波千頃看秋雲

題無詰蘭石

元李祁

昔年曾向吳門住每日僧房看露叢今日却逢無詰畫
町畦全似雪牕翁

題子昂蘭石

元于立

閑向江邊結佩褰
楚宮花草露離離
王孫去後春風曉
拾得幽芳欲遺誰

題蘭棘同芳圖

元李祁

幽蘭既叢茂荆棘仍不除
素心自芳潔怡然與之俱

次引浚儀公題蘭竹卷子韻

元楊載

樹蕙連叢竹祇應族類同
相依巖石畔併入畫圖中
勁葉凝清露危梢倚碧空
諒非高世士此意固難通

子昂蘭竹墨戲

二首

元 袁 桷

玄霜落銀繭飄飄湘江佩服媚疑褻之碧牕靜相對
迸地鱗角精摩空鳳毛聳寒泓散晴煤桃李爭色動

題趙公畫蘭竹

元 黃 潛

猗蘭幽人操綠竹君子德天天彼棘心胡為久吾側

題畫蘭竹

元 陳 旅

美人隔澧浦日莫倚幽篁繁霜忽已隕為我紉秋芳

為吳德良題承旨所贈蘭竹圖

元 陳 旅

細竹生石間幽蘭與之俱愛彼有貞節而此芳不渝空
谷塵躅遠公子為停車懷人重移植臨風寫為圖君子
實似之歲晏聊與娛

題無詰沅湘蘭竹圖

元劉躍

兩竿翠竹拂雲長幾葉幽蘭帶露香好手移來牕戶裏
不須千里望沅湘

題趙子昂為吳德良所作蘭竹圖

元吳師道

幽蘭何猗猗疎篁亦蕭蕭石間澹相倚會合不待招吾

宗昔妙年依光近乘輶清芬散春直風氣凌煙霄美人
松雪居逸思共飄飄忻然染毫素寫之配高標寶藏三
十載不啻英瓊瑤相攜江湖上未覺山林遥勗哉君子
心自保同不凋

子昂蘭竹圖

元
吳師道

湘娥清淚未曾消楚客芳魂不可招公子離愁無處寫
露花風葉共蕭蕭

蘭竹

元
貢性之

翠鸞飛下尾毵毵怪石嶄巖倚碧潭一路鷓鴣啼不斷
行人揮淚濕征衫

題柯敬仲博士明雪牕長老蘭竹二首

元錢惟善

適從楚畹來邂逅此君子乃知巖壑姿風致頗相似
光風泛崇蘭玉立共瀟灑襟抱有雙清歲暮遺遠者

題江虛白懸巖蘭竹

明劉崧

懸雲翠壁三千尺浥露幽蘭四五花安得乘風裁紫玉

月明吹向玉宸家

蘭竹畫

明劉溥

湘江雨晴白雲濕湘妃愁抱香蘭泣望望夫君去不還
珮珠落盡無人拾碧天秋冷明月多千里洞庭橫白波
請君莫唱竹枝曲水遠山長其奈何

題蘭竹圖

明楊守陞

深谷香風泛紫蘭雲根斜倚碧琅玕若為盡化黃金色
應作西山返照看

趙松雪蘭竹圖

明 吳寬

鷗波亭上春風筆秀色脩然共一丘頭白江南真想見
幽蘭叢竹帶桑州

蘭竹圖

題贈蕭給事文
冊乃郎賦秋試

明 程敏政

湘皋春婉婉居然見雙清幽香下覆之翠條仰而承高
石既磊砢新泉亦泓澄臨風况君子去住有餘情

題馬姬畫蘭竹

明 張鳳翼

竹翠蘭芳身外身湘波曾待月傳神秦淮別有濡毫處

豈必崔徽解寫真

蘭竹

明李日華

江南四月雨晴時
蘭吐幽香竹弄姿
蝴蝶不來黃鳥睡
小牕風捲落花絲

畫蘭竹題贈蘇時欽

明薛氏
名素素

翠竹幽蘭入畫雙
清芬勁節伴閑牕
知君已得峨眉秀
我亦前身在錦江

題蘭水仙墨竹

元素士元

上林春又老在野抱幽貞泣露丹心重凌波玉步輕孤
山初雪霽三徑午風清志操渾相似何妨共結盟

題畫蘭卷兼梅花

元王冕

湘江雲盡湘山青秋蘭花開秋露零三閭已矣喚不起
務猶蕭艾春娉婷冷飈吹香散郊垌山蜂野蝶何營營
幽人脫畧景色外竟坐不讀離騷經西湖昨夜霜月明
梅花見我殊有情逋仙祠前塵土清老鶴孑孑如人行
天邊飄渺來鳳笙玉壺吳酒顛倒傾酒闌興酣拔劍舞

忽覺海日東方生

御定歷代題畫詩類卷七十五

欽定四庫全書會要

御定歷代題畫詩類卷七十六目錄

蘭竹類

畫竹歌

唐白居易

壁畫折竹雜言

唐吳融

畫竹

元馬祖常

畫竹

元楊載二首

畫竹

元吳鎮二十一首

題畫竹 元薩都拉

竹圖 元吳師道

題畫竹 元倪瓚二十四首

題竹 元劉永之三首

題竹 元貢性之三首

畫竹 元華幼武

畫竹 元丁鶴年二首

題竹 元張舜咨

畫竹歌 明劉基

題畫竹 明劉基

題畫竹 明貝瓊

畫竹 明王佐

題竹 明林鴻

題畫竹 明陳亮

題畫竹 明袁華

題竹 明金幼孜

為楊庶子題紙屏畫竹

明金幼孜

題竹

明王紱

畫竹自題

明虞謙

題畫竹

明林環

畫竹

明郭厓

題畫竹

明高壁

畫竹

明伍方

題竹

明徐貫

題畫竹 明張泰

畫竹 明劉師邵

題畫竹 明羅倫

題竹 明莊昶

題壁間竹 明魯鐸

畫竹 明田登

畫竹 明何景明

題畫竹 明楊慎

畫竹 明舒芬

畫竹 明謝承舉

題畫竹 明王潤

題畫竹 明吳宣

題竹 明沈周

題畫竹 明李叔玉

畫竹 明李廷儀

畫竹 明張倬

畫竹 明徐渭十一首

題竹行 明僧宗泐

題竹 明僧古春

畫竹扇 宋梅堯臣

題扇頭 金王利賓

扇上竹 元楊載

題畫竹扇子 元陳旅

為戴容安題扇竹 明金幼孜

題紈扇折枝竹

元陶宗儀

題扇上竹枝

明高啓

題畫竹枝

明李日華

竹枝

明李日華

欽定四庫全書薈要卷一萬九千二百八十四

集部

御定歷代題畫詩類卷七十六

蘭竹類

畫竹歌

并序

唐

白居易

協律郎蕭悅善畫竹舉時無倫蕭亦甚自祕重有終
歲求其一竿一枝而不得者知予天下好事忽寫一
十五竿惠然見投予厚其意高其藝無以荅貺作歌
以報之凡一百八十六字云

植物之中竹難寫古今雖畫無似者蕭郎下筆獨逼真
丹書以來唯一人人畫竹身肥擁腫蕭畫莖瘦節節竦
人畫竹梢死羸垂蕭畫枝活葉葉動不根而生從意生
不筍而成由筆成野塘水邊碕岬側森森兩叢十五莖
嬋娟不失筠粉態蕭颯畫得風煙情舉頭忽看不似畫
低耳靜聽疑有聲西叢七莖勁而健省向天竺寺前石
上見東叢八莖疎且寒曾憶湘妃廟裏雨中看幽姿遠
志少人別與君相顧空長歎蕭郎蕭郎老可惜手顫眼

昏頭雪色自言便是絕筆時從今此竹尤難得

壁畫折竹雜言

唐吳融

枯纏藤重敲雪渭曲逢湘江別不是從來無本根畫工
取勢教摧折

畫竹

元馬祖常

海霧溟濛暗珠浦宮雲杳靄連玉田借力重截十二管
吹引鸞鳳都下天

畫竹二首

元楊載

翡翠含春霧琅玕振曉風清聲來枕上秀色入簾中
萌芽成虎豹變節作蛟龍正直唯吾與清修必子從

畫竹自題

元 吳 鎮

圖畫書之緒毫素寄所適垂垂歲月久殘斷爭寶惜始
由筆硯成漸次忘筆墨心手兩相忘融化同造物軒牕
雲靄溶屏障石突兀林麓繆槎牙禽鳥翥翰翮可憐俗
澆漓揣摩竟紛出褻褻雜真贋丹粉誇絢赫千金易敝
帚什襲寶燕石米也百世士賞會神所識伶倫世無有

奇響竟寥寂良樂難再遇抱恨長太息

畫竹

十二首

元
吳鎮

霏霏桃李花競向春前開如何此君子四時清風來
亭亭月下陰挺挺霜中節寂寂空山深不改四時葉

野色入高秋寒影逝湘

一作空
影映湖

水日午思晚

一作
北窓

涼清

風為誰起

竹牕思閒寂銅博香委曲胷中無用書寫作湘之綠
逕深茅屋陋樹倚夕陽斜行遍青山路何丘不可家

抱節元無心凌雲如有意置之

一作寂寂

空山中凜此君子

志

忽見不是畫近聽疑有聲落落不對俗涓涓長自清
湘妃祠下竹葉葉著秋聲鸞鳳清宵下吹簫坐月明
短梢塵不染密葉影低垂忽起推蓬看瀟湘過雨時
碧篠挺奇節空霏散冷露十年青山游得此幽貞趣
片片落花心悠悠飛絮意清風明月中此風不可企
日日行青山無竹不可留可憐春風中桃李多春愁

畫竹

元 吳鎮

與可畫竹不見竹東坡作詩忘此詩高麗老繭冰雪古
戲成歲寒巖壑姿紛紛蒼霰落碧篠謾謾好風扶舊枝
猗猗頭角易變化細聽夜深雷雨時

畫竹七首

元 吳鎮

解籜初聞粉節香拂雲又見影蒼蒼鳳皇不至伶倫老
無奈荆榛特地長

長憶前朝李薊丘墨君天下擅風流百年遺蹟留人世

寫破湘潭夢裏秋

愁來白髮三千丈
戲寫清風五百竿
幸有穎奴知此意
時來几上弄清寒

此君不可一日無
纔著數竿清有餘
露葉風梢承硯滴
瀟湘一曲在吾廬

葉葉如聞風有聲
盡消塵俗思全清
夜深夢遠湘江曲
二十五絃秋月明

低垂新綠影
離離倚石臨
泉一兩枝
憶得昔年今日見

鳳凰池上雨絲絲

有竹之地人不俗而况軒牕對竹開誰謂墨奴能倒景
一枝獨上紙屏來

題畫竹

元 薩都拉

小雨春池濕鳳毛天孫深夜織鮫綃何人更立湘江水
獨倚薰風憶舜韶

竹圖

元 吳師道

透石迸新芽清泉映娟翠姿妍競陽春最
歲寒意

題竹圖

元倪瓚

黃陵廟前雨過邯鄲谷口風生愛殺山人清致縱橫深
寫秋聲

畫竹二首

元倪瓚

珍重黃華父子遺風得似洋州松雪於今冥冥房山去
後休休

我愛焦君味道筆端點綴清新規模虎兒早歲未窺北
苑入神

題畫竹十一首

元俛瓚

琅玕節下起秋風
寒葉蕭蕭煙雨中
贈子仙壇翠鸞帚
杏林春掃落花紅

逸筆縱橫意到成
燒香弄翰了餘生
牕前竹樹依苔石
寒雨蕭條待晚晴

野店枯槎何處園
千花羞澁不成妍
竹枝嫋嫋春風惡
臥看歸鴻水拍天

落落長松生夏寒
莓苔樗散共盤桓
王謝家庭多玉樹

依然猶是晉衣冠

雨後池塘竹色新
鉤簾翠霧濕衣巾
為君寫出團欒影
喜比他鄉見似人

斑斑石上蘚紋新
陰落先生烏角巾
貌得兩枝初雨後
可憐清興屬幽人

為寫新梢十丈長
空庭落月影蒼蒼
王君胸次冰霜潔
剪燭談詩夜未央

舟過松陵甫里邊
幽篁古木尚蒼然
何人得似王徵士

靜看輕鷗渚際眠

逢著鄉人朱伯亮
朱絃披拂共南薰
硯池雨過添新漲
持為濡毫寫墨君

右臨青嶂左澄江
未覺羲皇遠北牕
安得茅君酒斟酌
幽人許致玉瓶雙

喬木叢篁倚石苔
故家遺業總成灰
二喬憶嫁周公瑾
尚有枝孫氣不衰

題畫竹

元倪瓚

本朝畫竹高趙李慙愧後來無寸長下筆能形蕭散趣
要須曾次有資當

畫竹寄友人

元倪瓚

先春競桃李凌陽歎蒲柳謝君靜者徒種竹安所守亭
亭清淨心鬱鬱霜雪後賦詩寄遠懷此君真可久

畫竹

贈徐季明

元倪瓚

梓樹陰當戶時聞好鳥鳴獨攜一壺酒展席坐前楹招
邀白鶴侶吹弄紫鸞笙杳杳日景晚紛紛飛絮輕風翻

竹影亂明月已東生

畫竹

贈志學

元倪

瓚

綠竹飽霜雪歲寒無荏容風至天然笑復愛夏陰濃寒暑不能移德比柏與松豈若桃李榮春花但丰茸

畫竹

二首贈申彥學

元倪

瓚

吳松江水似清湘煙雨孤蓬道路長寫出無聲斷腸句
鷓鴣啼處竹蒼蒼

阿儂渡江畏風波聽渠聲唱竹枝歌淇園青青淇水綠

不似瀟湘煙雨多

畫竹

寄王
彛齋

元
倪
瓚

荆南山色裏翠竹密緣溪冉冉春煙薄冥冥暮雨迷夢
長蝴蝶化行遠鷓鴣啼舊日栽桃李清陰自滿蹊

畫竹

贈王
光大

元
倪
瓚

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同棲遁嵩高第幾峰

畫竹

寄張
天民

元
倪
瓚

良常南洞口聞有埽塵齋竹影春當戶泉聲夜遶階自
矜霜兔健安有魯魚乖截得青鸞尾因風寄好懷

畫竹

贈王允剛

元倪瓚

子猷借地種脩筠何可一日無此君葉籠書席搖翠雨
陰結香爐屯綠雲文孫住近吳江渚二仲遨遊如蔣詡
置酒邀余寫竹枝隔竹庖人夜深語

題竹 三首

元劉永之

高牕新霽綠陰稠隨意揮毫傲薊丘老鶴陟翎回舞翅

洞簫吹徧石林秋

洞裏仙人白兔公手持玉笛向秋風
彩雲低度天如水吹作龍吟山月中

讀易茅齋夏日長琅玕繞屋擬瀟湘
山風一夜吹疎雨共愛西牕五月涼

題竹

元貢性之

翩翩么鳳下晴空半入江雲半落風
憶昔瀟湘泊船處玉簫聲斷月明中

題畫竹

元貢性之

鷓鴣啼望水龍吟舟過湘江夜雨深清思滿懷無著處
却將墨沼寫秋陰

題竹

元貢性之

美人環佩玉玲瓏騎得青鸞下碧空寂莫湘魂招不返
鳳簫聲斷月明中

畫竹

元華幼武

挺挺琅玕玉澗邊半含春雨半含煙怪來筆底清如許

老子曾中有渭川

畫竹

元 丁鶴年

拂素寫晴牕亭亭玉一雙蒼龍雷喚醒風雨遍湘江

題畫竹

為董文中賦

元 丁鶴年

雨過蛟龍起風生翡翠寒但存清白在日日自平安

題竹

元 張舜咨

萬里高風不自由琅玕掀舞一天秋何人笙鶴歸來晚

縹緲仙城十二樓

畫竹歌

為道士詹明德賦

明劉基

我所思兮在瀟湘蒼梧九疑渺無際但見綠竹參天長
上有寒煙凝不飛下有流水聲琅琅中有萬古不盡離
別淚化作五色丹霞漿穿崖貫石出厚地風吹露滌宵
有光我欲因之邀鳳凰天路脩阻川無梁孰知畫史解
人意能以造化歸毫芒虛堂無人白日靜使我顧盼增
慨慷玄霜慘烈歲將晏鼯啼鼯叫天悲涼我所思兮杳
茫茫山中紫筍春可茹歸來無使遙相望

題畫竹

明劉基

葉間重露猶滴林表煙寒未開想見沅湘江上月明環
佩歸來

題畫竹并序

明貝瓊

太史公紀渭川千畝竹此圖僅盈尺而遠意不翅千
畝觀其毫枝髮葉歷歷可見於秋煙暮雨外筆法視
古亦精已寓目久之遂起余兩山之興徑欲買舟歸
卧其所云

市朝非素心林壑契玄賞讀書甘寂莫密竹更蕭爽衝
人虎豹關閉戶蠨蛸網寒梢朽不蠹野筍苞初長風生
回鶴夢月出聞猿響如何猶戀祿廐馬存病顙相期結
二仲茲焉共來往

畫竹

明王佐

瀟湘綠玉崑崙石移向高堂之素壁四座涼風帶雪吹
半牕疎雨和煙滴九疑夢斷瑤瑟寒貼雲影落雙飛鸞
霓旌掩冉欲歸去美人持贈青琅玕也曾拂拭蒼苔色

坐弄參差楚天碧曲終日暮山鬼啼自寫幽情寄相憶

題竹

明林鴻

醉墨淋漓濕未乾拂雲雙玉倚秋看別來嶰谷空林月
幾度淒涼笛裏寒

題畫竹

明陳亮

王維遠矣蕭郎死墨竹古來俱可數自從老可出湖州
世人始信前無古此圖高古不知名欲與湖州相抗衡
森森矛戟自相向淅淅枝條如有聲高堂素壁時張挂

瀟灑渾疑却炎夏莫言無地種琅玕自有清風滿圖畫
多情蕭史奈愁何

題竹

明金幼孜

翠拂琅玕落粉香無端春色滿瀟湘美人學得青鸞曲
何處吹簫聽鳳凰

為楊庶子題紙屏畫竹

明金幼孜

我昔隱居在山谷繞舍只令種脩竹清風白晝灑蒼雪
終日吟哦看不足一從攜書來北闕遂與此君成久別
平安十載知何似往往思之心欲折楊君亦是愛竹者
官舍新成最幽雅紙屏拂拭無點塵滿寫琅玕更瀟灑
昨來置酒邀客子燈前見之驚且喜停盃借問作者誰
似與老可同高致墨花淋漓真可愛黯淡猶疑鬼神會
初看積翠落簷端便覺湍聲起牕外數竿隔水各千尺
微露青林帶秋色暮雨寒霏紫鳳翎驚濤暝卷蒼龍翼

知君好竹幽思殊朝回看畫仍讀書臨風或吹蒼玉管
對月時弄青珊瑚嗟哉此君貞且良丰姿凜凜非尋常
世情高下逐冷暖此君志節無炎涼冰霜歲晏慎自保
相期白首毋相忘

題竹

明王紱

宮樹棲鴉拜夕郎洞門煙靄竹蒼蒼珮聲搖曳歸來晚
香篆初消月到牀

畫竹自題

明虞謙

我昔汎東溟拾得蒼龍尾置之懷袖中
夜夜涼風起化為金錯刀欲剪瀟湘水
只恐春雷鳴飛上青雲裏

題畫竹

明林環

嶰谷春已深煙雨何冥冥蕭然青琅玕
上有孤鳳鳴清風不時來忽聞環珮聲
緬懷伶倫子千載已遐征誰能截鳴律
吹向軒轅庭

畫竹

明郭厘

聲臨渭水清影拂湘潭碧瑤瑟曲未終
商飈坐來夕

題畫竹

明高璧

極目蒼梧遠傷心泣二娥試看枝上露不及淚痕多

畫竹

明伍方

花點湘雲墮碧川翠梢零落帶秋煙歸蓬記得曾看處
殘月黃陵古廟前

題竹

明徐貫

書牕謾對翠琅玕偏喜真心耐歲寒怪底此君解醫俗
清標瀟灑拂雲端

題畫竹

明張泰

九疑山碧楚天空江上佳人思不窮
日暮南陵脩竹冷
鷓鴣聲裏起秋風

畫竹

明劉師邵

誰弄參差管聲悲引恨長夜深龍起
聽明月滿瀟湘

題畫竹

與蕭球

明羅倫

玉英臺下路半夜舞青鸞
龍孫眠不得疎影上欄杆

題竹

明莊昶

獨行湘江潯見此叢篁幽風雨日冥晦萬雀聲啁啾垂
垂正結實恐為鵲雛謀豈無九苞羽飛下十二樓延佇
久不見此意良悠悠我因王者瑞極意垂鴻猷採之欲
往食道路阻以脩問之在何所乃古西康州西康有西
伯已矣三千秋至尊應昌運致此能無由清時一再覩
咄哉何所求

題壁間竹

明魯鐸

繫誰融心神寫此萬竿竹我逐南薰來炎歊正三伏開

軒一披襟灑然在淇澳中宵起攬衣乘月看未足高歌
武公詩清風動林麓

畫竹

明田登

何人移化工亭亭寫脩竹高岼展阨塞涓流帶滂沱節
撼首陽山風吟淇水隩冰霜歲寒深雨露湘江逐朝陽
儀鳳毛笙鏞滿山谷

畫竹

明何景明

誰開素練寫煙梢欲采琅玕奏玉簫猶憶鳳凰池閣上

坐聽風雨下層霄

題畫竹

明楊慎

江南誰解寫琅玕後有仲昭前孟端自從文藻流傳久
轉覺丹青賞鑒難生綃一幅瀟湘出高堂六月冰霜寒
玉林深處人如玉欲往從之無羽翰

畫竹

明舒芬

煙梢雨葉誰形容畫堂六月生秋風神隨墨散玉瑣碎
光若影動金玲瓏淇園百竿出肘後渭川千畝生胸中

良工心苦刻成鵠主人珍重看如龍
我來不疑畫裏見
眼青只作林下逢
撫摩琅玕思颯颯
彷彿鳳鳥來雖雖
鳴世還能嶰谷種
知音誰是柯亭翁
雲霄昨夜迷太空
蘆枝弦化招相從
却恐君子棄我如遺踪

畫竹

為湯宗器題

明謝承舉

曾記瀟湘繫短篷
隔江煙雨翠重重
驚雷忽報春消息
一夜靈根長籜龍

題畫竹

明王潤

曾見東籬立曉霜一枝巖傍拂溪光等閑得製伶倫管
吹落梅花幾夕陽

題畫竹

明 吳宣

悔教風節動煙霄總得虛聲太寂寥長樂五更聞暖吹
錢塘八月聽寒潮調高巢許終何物怨入夷齊死不消
更欲少論惆悵事昊天無語鳳飛遙

題竹

明 沈周

冰霜俱不知風雨亦無恙
娟娟出縣高未可限墨丈

題畫竹

明李叔玉

君家碧疏見清影別是一段淇園秋何人筆底得天趣
云是東吳夏瑞州瑞州曾中竹如簣一枝一葉良可惜
却笑蕭郎技癢時手戰眼昏頭雪白興來雷從地中出
萬籟湏臾起蒼壁翩翩彩鳳羽欲墮偃蹇青蚪勢安敵
仙郎何以得此幅邀我題詩記真跡醉後操觚一揮灑
不讓王維有聲畫公餘坐對夜深時明月清風不論價

畫竹

明李廷儀

瓊花凍勒蒼龍骨
法水低淋彩鳳翎
愁絕英皇渾不語
九疑相對數峰青

畫竹

明張倬

黃陵祠下月明多
不見湘靈翠輦過
留得蕭蕭數竿竹
至今腸斷楚人歌

畫竹

明徐渭

萬物貴取影
寫竹更宜然
穠陰不通鳥
碧浪自翻天
戛戛俱鳴石
迷迷別有煙
直湏文與可
把筆取神傳

畫竹

十首

明徐渭

昨夜牕前風雨時
數竿疎影響書幃
今朝搨向溪藤上
猶覺秋聲筆底飛

葉葉枝枝逐景生
高高下下自人情
兩梢直拔青天上
留取根叢作雨聲

郡城去海不為遙
墨籜淋漓似鬱蛟
莫遣風來吹一葉
恐於箋上作波濤

片石蒼蒼映莽林
南宮如見拜難禁
牛車若便能移去

賣與侯家五百金

昨宵風雨折東園那許從天乞一竿
數葉傳神為不朽
儒寒道瘦任人看

林梢片石墨初籠凍筆勾寒入指中
急遣蒼頭沽一榼
破簾穿日盪杯紅

筆底霜叢三四竿園中解籜兩三年
脩蛇拔尾當黃土
小鳳梳翎在碧天

脩蛇有尾頻年墜小鳳為翎幾日成
輸與寒梢三十尺

春來祇用一雷驚

人家宿紙幾時收
紫兔尖尖走潑油
竹影滿牕涼似水
斷崖疎雨數竿秋

怪石初烘潑墨勻
吳箋短短縮霜筠
長空五尺青鸞尾
一半斜封在白雲

題竹行

明僧宗泐

平生不識雲心子
墨妙通神有如此
眼中何處脩竹林
湘水邊頭煙雨裏
長林蔽虧天為陰
鷓鴣啼斷江沈沈

六月南風晝不熱人家住在叢篁深九疑山帶蒼梧野
翩翩帝子雲中下鳳鸞飛舞蛟龍驤羽葆氎氎翠堪把
我昔曾行賞溪曲兩岼波光浸寒綠萬玉森森一逕遙
溪口晴陰到山麓今朝看圖政自憐畫圖身世俱茫然
雲心骨化丹陽土吁嗟墨妙何人傳

題竹

明僧古春

一夜竹牕雨秋聲入夢聞都將枝上淚灑徧九疑雲

畫竹扇

宋梅堯臣

石上老瘦竹忽在紈扇中執之意已涼不待搖清風小
節未見粉淚痕應合紅日將炎暑退畏蠹生秋蟲

題扇頭竹

金王利賓

輕紗畫竹雀柄短不盈握暑氣正憑陵清風一何邈

扇上竹

元楊載

種竹何須種萬竿一枝分影亦檀欒秋宵更受風披拂
聽取清聲入夢寒

題畫竹扇子

元陳旅

江上竹枝歌為君顰兩蛾秋風團扇底零落黛痕多

為戴容安題扇竹

明金幼孜

三徑清陰生晝寒滿林新長碧琅玕何時截作參差玉
吹向瑤臺聽紫鸞

題紈扇折枝竹

元陶宗儀

剪來青鸞尾挂向珊瑚鉤明月照清影一握湘江秋

題扇上竹枝

明高啓

寒梢雖數葉高節傲霜風寧肯隨團扇秋來怨篋中

題畫竹枝

明李日華

淡淡疎篁影離離古蘚文昨夜溜春雨今朝墮曉雲破
牕搖瑣碎虛榻冒氤氲墨沼澄凝處相逢只此君

竹枝

明李日華

粉痕初洗舞青腰琴筑無聲晝寂寥為有寒香入肌骨
不須風雨也蕭蕭

御定歷代題畫詩類卷七十六



總校官庶吉士臣侍朝

校對官庶吉士臣徐立綱

謄錄監生臣宋昆玉

欽定四庫全書薈要

集部

御定歷代題畫詩類卷七十八

七

欽定四庫全書薈要

御定歷代題畫詩類卷七十七目錄

蘭竹類

墨竹

宋梅堯臣

畫墨竹贊

宋黃庭堅

次韻謝斌老送墨竹十二韻

宋黃庭堅

荅秦兵部求墨竹

宋王佐才二首

墨竹

宋白玉蟾



墨竹扇頭 元元好問

德和墨竹扇頭 元元好問

題醉隱墨竹 元王惲二首

墨竹歌 元王惲

墨竹 元程鉅夫

墨竹 元張弘範

墨竹 元素楠

墨竹扇頭 元馬祖常

題墨竹 元馬祖常

題墨竹 元楊載二首

墨竹 元歐陽玄

題墨竹 元宋本

墨竹 元李孝光

書墨竹 元薛漢

求葉仲輿寫墨竹扇面 元岑安卿

題墨竹 元李祁

題趙榮祿墨竹

元倪瓚

墨竹

元倪瓚三首

寫墨竹二枝并題

元劉永之

題墨竹

元劉永之

題墨竹

元陶宗儀

題墨竹

元于立二首

題墨竹

元馬臻二首

題墨竹

明劉基二首

墨竹 明陶安

墨竹 明楊基

墨竹 明孫養三首

墨竹 明卓敬

題墨竹 明王紳

題墨竹 明金幼孜六首

題墨竹 明林環

墨竹 明陳全

墨竹 明商輅三首

墨竹 明李東陽

墨竹 明黃仲昭

墨竹 明吳寬

題墨竹 明徐渭二首

謝子舟為予作風雨竹 宋黃庭堅

再用前韻詠子舟所作竹 宋黃庭堅

題文與可風雨墨竹 元袁桷

湘江風雨畫竹

明謝承舉

上都客舍士弘為作風竹

元素楠

題李士弘學士畫明復齋風竹

元素楠

息齋風竹圖

元馬祖常

題張氏風竹圖

元陳旅

龍門公墨竹風煙夕翠

元元好問二首

子昂風竹橫披

元宋瑩

墨竹 金龐鑄三首

墨竹 元袁桷四首

墨竹 元貢師泰四首

題雨竹 元陳旅

題倪氏雨竹 元陳旅

虞勝伯畫雨竹 元鄭元祐

題宋王孫雨竹 元鄭韶

雨竹圖 元吳師道

張雲門雨竹 元唐肅

王子明求題高侍郎雨竹元張雨

題雨竹明高啓

題雨竹明劉崧二首

題雨竹明王綬

題雨竹明趙迪

題雨竹圖明倪敬

雨竹明李日華

雨竹明徐渭

瀟湘雨意圖

明熊直

萬竿煙雨圖

元歐陽玄

題萬竿煙雨圖

明林環

題萬竿煙雨圖

明金幼孜

萬竿煙雨圖

明呂淵

煙雨萬竿圖

明王越

煙雨竹圖

明樊阜

煙雨萬竿圖

明僧麟洲

題劉廷問舍人所藏夏仲昭太常晴雨二竹

明程

敏政二首

過華叔瑞草堂寫晴竹於壁上

明王綬

晴竹

明李日華

露竹

元吳鎮

題趙師舜所藏雪竹圖

元虞集

寄相仲積求觀鄭北山雪竹賦并畫卷

元吳萊

李仲賓雪竹

元張雨

題雪竹

明劉泰

題屈處誠雪竹

明陸深

雪竹

明徐渭

題李學士嫩竹圖

元陳旅

題白巖新竹卷

明楊旦

寫新竹

明李日華

萬竹圖

元歐陽玄

題萬竹圖

元張天英

叢竹圖

元鄭元祐

寫墨竹一枝

元劉永之

一枝竹圖

元陳旅

一葉竹為竹叟禪師作

元吳鎮

題濃淡竹

元劉詵

題畫鈎勒竹

元陳基

畫鈎勒竹

明陳昌

斑竹圖

明方孝孺

畫孤竹

明丘濬

畫映水竹枝

明李日華

題畫竹染綠色

明徐渭

欽定四庫全書會要卷一萬九千一百八十五

集部

御定歷代題畫詩類卷七十七

蘭竹類

墨竹

宋
梅堯臣

許有盧娘能畫竹重抹細拖神且速如將石上蕭蕭枝
生向筆間天意足戰葉斜尖點映間透勢虛粘斷還續
粉節中心豈可知淡墨分明在君目

畫墨竹贊

宋
黃庭堅

人有歲寒心乃有歲寒節何能貌不枯虚心聽霜雪

次韻謝斌老送墨竹十二韻

宋黃庭堅

古今作生竹能者未十輩吳生勒枝葉荃家遠不逮江
南鐵鉤鎖最許誠懸會燕公灑墨成落落與時背譬如
剗心松中有歲寒在湖州三百年筆與前哲配規模轉
銀鈎幽賞非俗愛披圖風雨入咫尺莽蒼外吾子學湖
州師逸功已倍有來竹四幅冬夏生變態預知更入神
後出遂無對吾詩被壓倒物固不兩大

荅秦兵部求墨竹 二首

宋 王佐才

夜到茅亭近竹籬
影垂寒月下苔墀
吟餘未嬾蕭疎興
曾寫離披一兩枝

墨傳高節未為精
虛辱佳篇拂素屏
不敢持毫强羞縮
喜公心已厭丹青

墨竹

宋 白玉蟾

虛舟惠我一墨竹
紙上森森一枝玉
展向庭前與鶴看
今宵不許枝頭宿

墨竹扇頭

元
元好問

嫩香新粉玉交加
小筆風流自一家
只欠雪溪王處士
醉來肝肺出枯槎

德和墨竹扇頭

元
元好問

靜裏離離新粉動
時細細清香明月清
風自在紅塵白
日何妨

題醉隱墨竹二首

元
王惲

清溪映竹竹連雲
冉冉晴梢醉墨新
却為歲寒心事苦

煖煙濃淡要橫陳

露梢風葉喜晴春
醉埽吟看卧竹根
欲見此君生意盛
滿川煙雨半龍孫

墨竹歌

元王惲

吾生愛竹兼嗜石
手不能書漫成癖
憶從林下七賢游
終日摩挲弄寒碧
山河一自隔黃壚
塵土填淤百憂集
得君此畫忽灑然
元氣淋漓障猶濕
滿空月露下寒梢
人去山陰鎖幽寂
又如湘妃廟前風
雨晴翠袖紛披山

鬼泣幾竿迸出太古崖老節雪欺初不惜表將一片歲
寒心不與繁華競朝夕東欄牡丹鶴翎紅西沼芙蓉紺
珠色歌鍾傾國樂芳年以色事人能幾日何如鴨江居
士詩骨清而臞手種此君忘肉食不須拄杖敲人門萬
斛清風破牕北月中看竹埽秋影妙得於心發之筆興
來落紙出意表擬學湖州滅形迹嗚呼湖州已矣蕭郎
遠今代名家淡游客君不見李杜文章萬丈光一日齊
名偉高適

墨竹

元程鉅夫

舊篠斜依石新梢怒出林平生讀書處手種盡成陰

墨竹

元張弘範

麝墨芸香小玉叢澹煙橫月翠玲瓏小屏春鎖綠牕夢
也勝湖江煙雨中

墨竹

元袁桷

蘆葉不禁秋色柳枝那解春聲醉閱小牕橫幅風回雨
轉雲清

墨竹扇頭

元馬祖常

冰紈已却暑況此碧琳琅好伴玉麈尾涼颼滿高堂

題墨竹

元馬祖常

山雨瀟瀟濕翠旌雲中仙度鳳吹笙苔衣坐滿空林石
放鶴歸來獨自行

題墨竹

元楊載

嶰谷陰寒石如鐵二龍僵立露骨節春雷動地萬物活
畏汝飛騰衝石裂攢青聚綠生巖幽海濤聲引風颼颼

年年三伏林下卧白晝慄慄如深秋

題墨竹

為鄭
尊師

元楊載

風味既澹泊顏色不媚孤生崖谷間有此凌雲氣

墨竹

元歐陽玄

數枝淡淡與濃濃垂葉應無蠹靡容玉立滿身都是雨
無人能識葛陂龍

題墨竹

元宋本

可人家住寶當谷明月清風十萬竿一自玉山相見後

滿庭清影夢高寒

墨竹

元 李孝光

蒼髯老翁鱗甲香力能拔山補青岡池邊日日吐雲雨
道人牀敷夜氣涼道人嗜睡莫敕勸阿翁勸爾以一觴
天邊石上有髯客看汝巉龍頭角長

書墨竹

元 薛 漢

當年文湖州愛竹骨已朽祇今高李筆可繼湖州後何
人裂霜紈寫此三五葉想見翠琅玕蕭然挺清節

求葉仲輿寫墨竹扇面

元岑安卿

此君一日不可無子猷篤愛心歡愉延平官舍斬伐餘
稽山倦客心煩紆先生拋官南海來胷中丘壑爭崔嵬
筆端造化奪天巧籜龍一夜驚春雷素絹團團剪秋月
願染玄霜寫幽絕蕭然便覺風雨生頃刻清寒屏炎熱
昔時與可稱絕倫息齋近世尤逼真我持此扇出門去
要使襪材咸萃君

題墨竹

元李祁

偃榦橫穿石騰梢上拂雲定知風雨夜迢遞更思君

題趙榮祿墨竹

元倪瓚

緣江脩竹巧臨摹慘淡松煙忽若無亂葉寫空分向背
寒流篆石共縈紆春渚雲迷思鼓瑟青厓月落聽啼烏
誰憐文采風流意漫賞丹青沒骨圖

墨竹

元倪瓚

明月臨虛幌踈舞翠鸞獨吟苔石上霜葉媚天寒

題墨竹

送顧克善府判之高郵

元倪瓚

高郵古淮甸世產不乏賢顧君往佐郡才華當妙年歌
詩隱金石八音以相宣侈哉錦囊句雅甚朱絲絃而此
艱虞際撫事一愴然饑者易為食君能念顛連何以贈
子行墨君霜節堅

寫墨竹

贈顧友善

元倪瓚

顧伯末泝隱君子林居江濱古東里澡身潔行讀書史
思友天下之善士綠竹猗猗蔚材美獨立不懼羣不倚
長吟揮毫為君起寫其形模惟肖似諒哉直清可以比

寫墨竹二枝并題

與章子愚

元劉永之

落日洞庭西曾聞唱竹枝十年江海別風雨漫相思

題墨竹

元劉永之

新雨收金玦輕風轉玉環截筒為九寸吹向武夷山

題墨竹

元陶宗儀

把燭倩官奴娟娟入畫圖秋聲風雨外照見碧珊瑚

題墨竹

元于立

種竹滿山阿蕭蕭風雨多會當成翠實鳴鳳一來過

題墨竹

元于立

先生舊隱鑑湖曲無數琅玕遶屋生蕭蕭六月動秋思
不是風聲即雨聲

題墨竹

元馬臻

拂雲標格歲寒心墨色分陰重又輕不似渭川千畝綠
只和風雨作秋聲

墨竹

元馬臻

墨光浮潤拂新梢尚憶清風遶銳毫安得滿林生練實

鳳巢丹穴正嗷嗷

題墨竹

明劉基

蒼梧山下無窮竹，盡是湘妃淚種成。
煙雨不銷千古恨，珮環虛度九秋聲。
見愁牧豎乘時代，可待伶倫學鳳鳴。
獨立淒涼對圖畫，為君惆悵一沾纓。

題墨竹

明劉基

風梢舞空烟露葉，滴晴月折取寄情人。
感此歲寒節

墨竹

明陶安

烟雨空濛翠影雙滿林清氣逼寒江雲間禁直青綾夜
一片秋聲起瑣牕

墨竹

明楊基

烟梢忽縱橫風葉屢偃仰一榻卧山中靜聽秋雨響

墨竹 三首

明孫黃

洞庭春盡水溶溶錦瑟輕寒起卧龍行客欲投蒼水珮
亂雲遮斷九疑峯

誰拈秃筆寫淒迷亂石橫江碧玉低猶記畫船初泊岬

落花時節郭公啼

歲隄萬玉曉撐風應是清溪野水東更畫接羅顛倒著
嫩涼添我綠陰中

墨竹

明卓敬

洞庭木落水生波斜月虛牕露氣多虞帝不歸秋色晚
滿江煙雨泣湘娥

題墨竹

明王紳

瀟湘江上暮雲迷落日無人翠羽低
樣櫂黃陵廟前宿

一蓬春雨鷓鴣啼

題墨竹

二首贈貢士鄒觀

明金幼孜

虛心秉高潔不受一塵侵
五月清溪上蕭蕭風滿林
挺挺瀟湘玉平生意獨耽
玉堂風雨夜思爾隔江南

題墨竹

四首寄趙君公復

明金幼孜

猗猗綠如簣飄拂青雲端
炎光不到地颯颯江風寒
瀟灑渭川上數竿淨如許
秋思滿江南寒煙淡疎雨
幽貞不可變歲久色逾好
夫君渺湘南冰霜慎自保

新梢出林表可擬青琅玕應知晚節至結實待鳳鸞

題墨竹

明林環

森森萬玉翠含滋渾似瀟瀟雨後時吹斷玉簫寒月白
一庭清影鳳來遲

墨竹

明陳全

月白三湘秋河明上池水夜半玉簫寒青鸞忽驚起

墨竹

二首為戴
震先生題

明商輅

一林蒼玉發新梢彷彿朝陽見鳳毛勁直不隨霜雪變

也應素節養來高

淡墨何年寫此君
牕前彩鳳見來頻
虛心不改歲寒意
為有清風是故人

墨竹

為李都督賦

明商輅

直節真心異衆葩
數竿蒼翠拂牕紗
江南歲晚冰霜少
日報平安達帝家

墨竹

明李東陽

翠珮瑤環昨夜風
渚雲飛盡楚王宮
青娥舞罷婆娑曲

人在空山月影中

墨竹

為林信
傳賦

明
黃仲昭

籠葱翠玉擅風標白石清泉伴寂寥
安得伶倫裁鳳管
五雲深處和蕭韶

墨竹

明
吳寬

深林不減竇管谷亂影都歸丈八溝
最愛長竿如綠玉
何年去上釣魚舟

題墨竹二首

明
徐渭

嫩篠捎空碧高枝梗太清總看奔逸勢猶帶早雷驚
當其尋丈節數寸蛇與蟬化工無筆墨个字寫青天

謝子舟為予作風雨竹

宋黃庭堅

子舟詩書客畫手晚前輩挹袂拍其肩餘力左右逮摩
拂造化鑪經營鬼神會光煤疊亂葉與世作者背看君
面腕筆猶喜漢儀在歲寒十三本與可可追配小山蒼
苔面突兀謝憎愛風斜兼雨重意出筆墨外吾聞絕一
源戰勝自十倍榮枯轉時機生死付交態狙公倒七芋

勿用嗔喜對此物當更工請以小喻大

再用前韻詠子舟所作竹

宋黃庭堅

森削一山竹壯士十三輩自干雲天去草芥肯下逮虛
心聽造物顛沛風雲會榮枯偶同時終不相棄背誰云
湖州沒筆力今尚在阿荃雖墨妙好以桃李配國工裁
主意冷淡恐不愛子舟落心畫榮觀不在外耆年道機
熟增勝當更倍祖述今百家小紙弄姿態雖云出湖州
卷置嬾開對非公筆如椽孰能為之大

題文與可風雨墨竹

元素 楠

妙筆挾天巧，墨雲參差高。
偃疑受雨深，俊欲凌風翱。
颯爽隨卷舒，清涼散塵囂。
湛湛不受暑，靈籟虛牕號。
緬懷文湖州，玉雪中豪想。
此磅礴時，葆光解天叅。
老僧道機熟，形影隨目逃。
持以深贈之，生意窮秋毫。
高齋夜氣寂，定回起層濤。

湘江風雨畫竹

明 謝承舉

雲深蘭露泣，雙鬢懶隨流。
香翠點斑一，望蒼煙三萬里。

不知何處九疑山

上都客舍士弘為作風竹

元
袁
桷

門巷泥深笑獨清此君瀟灑未忘情無端昨夜風花急
却送秋聲作雨聲

題李士弘學士畫明復齋風竹

元
袁
桷

虛聲出素壁冷冷天地秋矧此三伏涼居然索重裘盪
摩神光旋戛擊玄露浮浩蕩白玉京頃刻瀟湘洲昂昂
貞嶠仙筆底寒颼颼高齋襲道氣深根淡無求

息齋風竹圖

道士華山隱得
之命予賦之

元馬祖常

往年家住簷簷谷丹鸞之實美如粟玄雲翻空下深靚
昆吾寶刀削秋玉石衣漬錦侵書光風微粉墮生細香
琳館瑤臺九天近夜寒笙磬聲鏘鏘萬斛蒼煙鬱江雨
二妃彈瑟瀟湘浦郢筒蜀酒亦堪沽蟠石雙杖令誰取
河朔歲晏冰為梁羣木鱗皴臨雪霜遲汝狂飈莫吹裂
截管他年侑帝觴

題張氏風竹圖

元陳旅

湘江風捲白頭波
北渚雲深帝子過
欲采瓊芳渡江去
翠衫輕薄曉寒多

龍門公墨竹風煙夕翠

二首

元好問

渭川東望水雲寬
雨潤煙濃下筆難
今日龍門圖上看
蕭郎只合老荒寒

煙梢露葉捲秋山
揮灑縱橫意自閑
莫問筆頭龍未化
看看霖雨滿人間

子昂風竹橫披

元宋 棗

筆意出天機
脩然仰復低
稍須風勢定
應有鳳來棲

墨竹 三首

金龍 鑄

隔溪煙雨圖

一溪流水玉娟娟
溪上脩篁接暮煙
誰倩能詩文與可
筆端移得小江天

秋風驟雨圖

瀾川急雨暗秋空
無限琅玕淡墨中
劒甲縱橫軍十萬
欲將貔虎戰斜風

春雷起蟄圖

千梢萬葉玉玲瓏
枯槁叢邊綠轉濃
待得春雷驚蟄起
此中應有葛陂龍

墨竹

四首

元
素
楠

老竹

寒寒凌雲志
霜餘節更存
春風宜管領
生意屬兒孫

嫩竹

奮雷初出地
承露已凌煙
願從朝元駕
為旄拂九天

風竹

直道犯無隱虛心明且清側身思遠舉巖壑養深情

雨竹

曉沐換新綠萬采成空塵守墨心不縉同玄道彌真

墨竹 四首

元貢師泰

風竹

歌枕夢江濤瀟湘生晚綠二妃邈何許千里一黃鵠

雨竹

雙鳳浴瑤池毛羽空翠滴仙人騎上天但見遼海碧

老竹

蒼龍在海上千載蛻神窟忽然凌空飛鱗甲耀白日

嫩竹

文苞解晴日纖粉落輕颺青鸞忽飛起牕戶自蕭蕭

題雨竹

元陳旅

江上鷓鴣留客住黃陵廟下泊船時一林春雨垂垂綠
消得晴風爛漫吹

題倪氏雨竹

元陳旅

落日楚江深
鷓鴣啼遠林
相思不可見
池上寫春陰

虞勝伯畫雨竹

元鄭元祐

渭川煙雨綠
漪漪公子飛
雲出硯池
萬箇青琅秋一抹
高梢特聳鳳凰枝

題宋王孫雨竹

元郊韶

閨閣春寒寫素屏
兩枝如玉立
亭亭分明自注銀潢水
白日天階洗鳳翎

雨竹圖

元 吳師道

千年舜妃淚一幅湘川雨掩卷不忍題余心正懷古

張雲門雨竹

元 唐 肅

龍駕飛來帝子雙春雲漠漠暗湘江江神啓路霏靈雨
濕透前頭翡翠幢

王子明求題高侍郎雨竹

元 張 雨

雨立脩篁似戟枝墨君留影故傲傲房山祇憶巴山夜
及見官奴把燭時

題雨竹

明高啓

巫峽雲連湘水低
行人路滑畏深泥
不見朝陽鳴鳳至
春陰日日鷓鴣啼

題雨竹圖

明劉崧

怪石凝雲氣
橫枝浥露香
故人渺何許
秋意滿瀟湘

題雨竹

明劉崧

滄波石面晚陰涼
翠篠娟娟過雨香
何許鷓鴣啼不斷
黃陵祠下是三湘

題雨竹

明王紱

高軒置酒延夕曛眼前知己無如君
枯腸醉後有芒角手揮高節凌青雲
圖成自覺精靈聚素壁俄然儀鳳羽
擬得秋深直造來剪燭連牀聽風雨

題雨竹

明趙迪

黃陵日已昏蕭瑟涼飈起殘雨挂空江
溟濛若千里暝色夕鳥前寒聲暮猿裏
應知葉上秋盡入湘潭水

題雨竹圖

明倪敬

鷓鴣啼斷雨毵毵獨倚欄干酒半酣威鳳不來秋已老
暮雲凝碧暗湘南

雨竹

明
李日華

襜褕紫鳳毛瑤階沐春雨玉簫聲未沉似聽幽人語

雨竹

明
徐渭

天街夜雨翻盆注江河漲滿山頭樹誰家園內有奇事
蛟龍濕重飛難去

瀟湘雨意圖

明
熊直

萬竹叢深日未晡
寒江煙雨翠模糊
東風無限瀟湘意
却倚蓬牕聽鷓鴣

萬竿煙雨圖

元歐陽玄

森森萬木種清和
奈此霏微煙雨何
千古首陽宗二墨
清風又似不須多

題萬竿煙雨圖

明林環

濕雲凝烟吹不起
寒影半沉湘江水
湘妃瑤瑟悲夜長
散作雨聲蒼茫裏
杜鵑怨春春始歸
新妝翠袖啼娥眉

愁魂飛去人不知
鸞珮墜地搖參差
披圖却憶長相思
扁舟落日零陵祠

題萬竿煙雨圖

贈康知事

明金幼孜

萬玉碧毵毵煙深雨氣涵
鷓鴣啼日暮客思滿江南

萬竿煙雨圖

為童僉憲題

明呂淵

君不聞淇水隈煙籠萬箇綠
猗猗又不聞湘江曲雨過
千竿齊挺玉淇水相流各一方
遙遙相隔千里長君胡
巧將縮地訣併作無邊煙雨鄉
鷓鴣聲近黃陵廟山接

九疑猿夜叫少年曾記畫船經百咏新題隨口道今日
看圖憶少年老懷衰髣兩茫然縱有琅玕可人景愧無
珠玉驚人篇聞君愛竹幾成癖沙土南金灰白壁閑來
酣聽戛鏗音靜裏飽觀蒼翠色君兮君兮聽我歌江上
年年風雨多竹花零落碧雲冷奈爾鳳饑無食何

煙雨萬竿圖

為松陵曹
少誠作

明王越

瀟瀟南下路漫漫薄暮歸來倚棹看疎雨淡煙秋一片
滿江飛翠濕衣寒

煙雨竹圖

明 樊 阜

九疑矗沓濕翠迷浦淑黯黯黃陵西霏英沆泝鬪纖裊
咽泣鷓鴣涼月低石壇冪歷苔痕紫冷沁羽幢吹不起
蕊牕瓊館隔離宮鸞尾參差蘸江水千年舊恨餘斑斑
幽叢珮玉寒闌珊膩粉粘枯亂紛馥南巡帝子何時還
瑤瑟聲沉天欲曙女郎蹋歌過江去扁舟杳渺弔靈均
脈脈流澌無覓處

煙雨萬竿圖

明 僧麟洲

空江秋雨又秋風
疑殺山前路不通
多少黃陵莎草恨
盡情歌在竹枝中

題劉廷問舍人所藏夏仲昭太常晴雨二竹二首

明
程敏政

太常醉搦紫宣毫
不寫李王金錯刀
閣舍朝回卷簾處
楚江風雨戰秋濤

舊宅依稀練水傍
古墩幽竹自成行
披圖却似身重到
刺眼脩脩鳳尾長

過華叔瑞草堂寫晴竹於壁上

明王紱

我愛君家遠城郭遠簷竹色侵簾幙
醉中揮翰寫晴梢
湘陰一剪春陰薄
看來頓覺風氣清
耳邊恍若聞秋聲
嘯歌到晚不歸去
高卧翠陰呼月明

晴竹

明李日華

新粉指可拭舊青玉不如翠葆何方來
奕奕迎仙姝
露竹

元吳鎮

晴霏光煜煜皎日影瞳瞳為問東華塵
何如北牕風

題趙師舜所藏雪竹圖

元虞集

鳳凰臺畔竹猗猗
別出參差玉一枝
閱盡雪霜心似鐵
高風惟許歲寒知

寄相仲積求觀鄭北山雪竹賦并畫卷

元吳萊

古人不可作雪竹有奇思
鄭公詠騷詞或者攻繪事
向來拈筆間才士巧相值
誰從歲寒窺便得瑚璉器
東國正擾攘靖康更無二
上天忽同雲大地惟朔吹
玄陰知

已凝積羽忍不墜狂曾鶩炙求困及蟻聚饋離明乃煌
煌勁節特一致秦關收甲兵蜀閬擁旗幟每疑一寸心
長挺千畝翠學行尚吾時窮達等墨戲相君本彌甥年
耄常拭眚自應守遺文重襲在篋笥滿山蒼竹林凡木
總顛顚因之寄君詩為灑懷古淚

李仲賓雪竹

元張雨

斷縑黯淡何人墨四十年前老薊丘向使戴家多種竹
雪中那肯便回舟

題雪竹

明劉泰

雪霽湘川絕點埃
冷枝寒葉脆難開
舜妃昨夜遊何處
騎得翩翩白鳳回

題屈處誠雪竹

明陸深

蕭蕭雲物滿堂寒
屈老風神向筆端
帶雪琅玕三百箇
蔣家徑裏見袁安

雪竹

明徐渭

山中雪厚沒人腰
城瓦猶堆尺五高
壓損青蛇三百萬

起烘冰兔埽雙梢

題李學士嫩竹圖

元陳旅

楚雨初晴野水生
新篁落粉鷓鴣鳴
洞庭春去湘娥老
緱嶺人吹紫玉笙

題白巖新竹卷

明楊旦

清影離離半牕竹
浥露凝煙翠堪掬
託根此地何孤高
絕勝山阿并水澳
月姊故故夜深來
寫出此君真面目
賦形不入草木流
勁節虚心自天育
締盟誰共歲寒三

迸地如陳爻位六結實終期鳳鳥棲敲風應遣詩魔伏
主人觴詠有餘興滿院綠陰濃入屋門牆豈無桃與李
奈此春華零落速眼看穉子又生孫厚植深培為君祝
勛庸次第收汗青懸賞旌功安用卜

寫新竹

明李日華

雨過春坡一尺泥玉芽迸出筋頭齊蜻蜓翅薄蜂鬚短
綠影差差野日西

萬竹圖

元歐陽玄

露壓煙梢整復斜
有時風定翠交加
閒身幸老清平世
喜見鷓鴣待竹花

題萬竹圖

元張天英

遠近陰晴玉萬竿
渭川何在綠雲寒
硯坳飛墨如飛雨
白髮蕭郎仔細看

叢竹圖

元鄭元祐

賦詩何處極幽探
多在青山海岳菴
一片綠雲塵跡斷
萬竿煙雨大江南

寫墨竹一枝

元劉永之

為君拈筆寫篔簹數尺新梢綠粉香持向西牕聽夜雨
高情渾似對瀟湘

一枝竹圖

元陳旅

高人石上種琅玕林屋秋晴共倚闌不送軒轅裁鳳管
小牕留得一枝看

一葉竹為竹叟禪師作

元吳鎮

誰云古多福三莖四莖曲一葉硯池秋清風滿淇澳

題濃淡竹

元劉詵

遠看如淡近看濃
雙立亭亭傲晚風
俗眼未應輕揀擇
此君清致本來同

題畫鈎勒竹

元陳基

素節亭亭不可移
珊瑚為榦玉為枝
高堂歲晚看圖畫
彷彿清風見伯夷

畫鈎勒竹

明陳昌

秋風白戰楚江濤
雪捲空山見海鼇
一夜靈妃眠不穩

月明飛佩過湘皋

斑竹圖

明方孝孺

湘君泣盡淚痕乾
翠袖蕭蕭倚暮寒
却憶洞庭為客處
滿湖風月泛舟看

畫孤竹

明丘濬

大易象蒼筤古詩咏淇澳
君子哉若人離人立於獨

畫映水竹枝

明李日華

照影青鸞不自持
天風颯颯弄絳綈
月寒波冷簫聲歇

續得黃陵廟裏詩

題畫竹染綠色

明徐渭

我亦狂塗竹翻飛水墨梢不能將石綠細寫鸚哥毛

御定歷代題畫詩類卷七十七